

百名家詞鈔



名家詞鈔目錄

廬陵 聶先 晉人

纂定

長水 曾王孫 道扶

碧巢詞 合暮月河初扣

休寧 汪森 晉賢

蒼梧謠 一調

江南好 四調

點絳脣 浣谿沙

釣船笛 秋波媚

夜行船 思佳客



唐多令

臨江仙

南樓令

離亭燕

洞仙歌

玉京秋

暗香

疎影

應天長

掃花遊

瀟瀟雨

燭影搖紅

百字令

東風第一枝

二調

臺城路

花發沁園春

沁園春

鶯啼序



碧巢詞

休寧 汪 森 晉賢

蒼梧謠

閒獨背寒鐙。枕手眠芭蕉雨。做弄是秋天。

江南好

吳中采蓮詞

江南好。第一是姑蘇。紅藕香邊浮紫荇。白芙蓉。底襯  
青菰。差勝莫愁湖。

前調

江南憶。休憶舊吳宮。畫屨響殘華雨。細錦驅人去玉



波空猶剩渚蓮紅。

前調

城南路廿四。恰清晨。停轎竝隨三婦艷。炷香齊祝二  
郎神。華簇粉孩新。

前調

采蓮罷。水面絲雲收。蟹餅半灣黃。葉寺漁郎一帶水。  
漢洲烟鎖石湖秋。

點絳脣 卹居

流水孤邨。枳籬竹舍松枝亞。斷雲連堦。人在華林下。



碧岫參差冷澹雲如畫。乘清暇、清蘭堪把。優結谿  
南社。

浣谿沙

油壁輕車斷陌塵。綠楊門巷晚愔愔。一春歸去暗花  
陰。風定不來新燕子，香疎空沁舊蘭心。曲屏近底  
最沉吟。

釣船笛

淺水漾魚鱗。春到小橋疎竹谿。上一隄芳草任東風  
吹綠。華邊隨處颭青旗。倚櫂買醅醪。最好荻芽新



長有輕鷗雙宿

秋波媚

碧草茸茸惹情濃。斜日酒樓紅。雙鬟十五，佯羞喚客，背映華叢。玉鞭墜處金貂解，休道不關儂。青驄去也。橋迴不見，夢到重逢。

夜行船 茗溪卽事

湖上數峰浮遠翠。映波光斷霞如綺。幾點鷗沙半灣。蘆雪也許釣船閒繫。白板屏前何處是。小橋西柳陰隨。恐持得谿魚，換來卮酒。一醉不須重計。



思佳客

香閣銀燈蠟炬濃。繡屏六曲隱芙蓉。曉紅怨殺移箏柱。一寸心灰此夜中。歡緒少。酒懷慵。曉雲易散月華空。相思只恨蓬山隔。不爲珠簾抵萬重。

唐多令

山水扇面

遠岫碧嶙峋。小林華似春。映紅霞幾樹斜曛。曾有捕魚人到否。應錯認舊迷津。煙際隱孤邨。邨中時掩門。繞欹橋流水瀟瀟。此處定知人迹少。看冉冉欲生雲。



名家詞鈔

臨江仙

次答李羽人招飲

新葺茆齋半畝寬。秋華斜倚朱闌。數竿修竹雨餘看。  
風搖蒼玉衣。袂滴清寒。犬吠白雲塵不到。疑聞環珮珊珊。  
相逢權飲此時歡。苔牆月上。絳蠟任燒殘。

南樓令

懷吳都下

抱葉晚蟬幽。離人江上秋。聽蕭蕭暮雨南樓。不是雁聲容易到。誰喚我起清愁。  
指冷玉琴收。無心更拍浮。憶年時乘燭同遊。京洛故人君尚少。矜彩筆。最風流。



離亭燕 曉渡震澤

萬頃澄光波面一片冷雲哀雁小艇蒹葭淺處出  
新草際露螢難辨釣叟隔烟波分得笠簑剛半隱隱  
野亭鐘散好問雞鳴前館多少客帆隨意挂趁早長  
天星爛指點石湖西落月山頭猶見

洞仙歌

和家鈍翁姑蘇楊柳枝詞

錦帆溼側記東風纔曉穉眼纖濃向誰好對綠波似  
鏡雨潤烟姿無限意眉無畫來初照拂絲看渡水  
依舊青青轉首河橋送人早小閣漸藏鴉次第飄綿



春已暮暗傷孤抱歎西郭分題已三年。比舊日長亭  
攀折多少

玉京秋

贈張倚亭

雲海闊涼颼動高樹吟蟬初歇碧梧幾日驚秋吹葉  
望望伊人一水買輕舸雙擊蘭楫相期切引杯看劍  
燭光明滅聞道名園奇絕散層巒千株玉雪露重  
光浮風輕香遠綠窗清潔畫省嚴更又早是侍女熏  
爐時節惜遙別小泛汀烟渚月

暗香

堂前新移梅開頗盛和  
姜白石暗香疎影原韻



瑩堂春色怕玉奴瘦損。隔鄰橫笛數遍落枝。未許山  
童近前摘。仙袂亭亭素影。只礙倩丹青描筆。却笑得  
蝶趁蜂喧。來往占軒席。鄉國漫蕭寂。念千樹連雲。  
客思空積。露零似泣。小立闌干暗追憶。須信華期匪  
易。燈一點寒窗紅碧。捧飲到更漏盡不眠也得。

疎影

晴梢破玉似小樓紙帳。魂夢依宿。韻態幽姿香雪垂  
垂。橫斜更映籬竹。移來健步。還能遠。早忘却吳山南  
北。愴驛亭寄贈無由。負了意淡情獨。分付東風暮



雨○莫○匆○匆○催○去○便○成○新○綠○爭○比○多○情○欲○笑○無○言○伴○我○  
桐○谿○書○屋○賓○筵○伎○席○渾○難○別○但○譜○入○新○翻○歌○曲○待○夜○  
分○明○月○來○時○影○弄○粉○牆○低○幅○

應天長

靈巖懷古

鐘○聲○十○里○埵○影○半○空○晴○巖○一○望○凝○碧○香○閣○過○雲○如○畫○  
藤○蘿○挂○虛○壁○歌○塵○散○惟○片○石○尚○剩○與○後○人○追○惜○僧○廊○  
下○響○樛○依○稀○浩○翠○留○迹○登○眺○古○琴○臺○鏡○裏○波○光○微○  
露○黛○蛾○色○無○數○亂○峰○橫○處○吳○宮○更○誰○識○英○雄○恨○常○歎○  
息○看○渺○渺○斷○烟○堆○積○正○須○問○如○此○湖○山○那○便○輕○鄮○



埽華遊

過倦圃呈曹秋岳先生

蠡湖剩水映門徑。蒼筠亂枝低埽來。親魚鳥。記橋廻。  
岸曲石縈林杪。綠野風微靜。許堂階。客到一簾好。喜  
長日春融華氣淡。繞茶烟青未了。對風度。駿凝天  
際孤峭。東山詎老。話丘園。怕有輟輪新。詔近雨黃  
梅。櫻筍分詩興。早想幽抱。比高雲更閒。多少。

瀟瀟雨

郡城寓齋坐雨懷王蓮人先生

東城樓稍定。愛斜屏小。巷頓閒情。正桐英漸落。荷錢  
半疊。杏子微青。今雨來人迹斷。筍徑少逢迎。獨對階



痕翠細數鴈聲。謾欲吟歸且緩。儼湖南打槳重叩  
郊局。想華溪臥閣。載酒月同行。計軒舞清風披拂。但  
一谿春水隔前汀。空延竚。倚闌干曲。聽響瓶笙。

燭影搖紅

元夕

霽月湖山燒鐙時序。春寒淺。翠樓十二。晚妝明。次第  
珠簾卷。乍是清光一片。又參差春星萬點。錢塘佳麗  
千載風流。太平如見。身入冰壺。仙遊也許詞人占。  
霓裳試罷。綵雲旋促。拍新聲。變正好留杯。泛煖近蓬  
萊。天風怒展魚龍謾舞。鸞鳳雙飛。玉屏人遠。



百字令

招曾青藜葉星期張繩其飲華友堂共限韻字

秋客瀟灑正亭皋。風弱輕涼生袂。草長荆扉欣枉駕。  
覲面高朋千里。剪燭邀歡。披襟話舊。已覺心先醉清。  
談傾吐。坐間豪興雲起。休怪閱世都疎。胷中荏角。  
肯爲浮名繫。酒戶詩腸。塵外好不負尊鱸。歸計鴻迹。  
空追陽盟未冷。三徑留閒地。當杯快飲。此情何況知。  
已。

東風第一枝

李青招同青士山子達士犀月雪坡在年游陝山用史梅谿韻

載酒尋山。催詩訪侶。單衣乍試微暖。前谿小槩頻划。



祇愁碧流尚淺。雨餘紫袂。便潤遍。芹泥香軟。那更是  
片霎相逢。無數扇。鸞釵燕。登峭壁。遙舒倦眼。臨曲  
沼。迤開鏡面。笙歌聽徧。重樓鶯華誤。疑茂苑。嬉春未  
已。早搖曳。愁心如線。漫歸鷗。眠圓沙。牆外柳陰猶見。

前調 和沈南疑

夢蝶花淡。尋梁燕早。驅愁半是文酒。曉回香箔猶溫。  
未許嬾寒輕透。春姿雨濕。但簾外東風依舊。聽小溪  
瀼瀼清流。幾縷縠紋微皺。且莫問。生烟亭埃。且共  
泥明鐙窗牖。請來蘭晚金盞。好付蠻腰素口。簞輿棠



楫也只在櫻桃開後料相逢鶴渚鴛汀怕近梨花時  
候

臺城路

過武原訪周潛岳查聲山

綠波杳渺鹽官水臨流喚催柔櫓背岸書聲面城旗  
影遠想故人幽墅斜陽映圃有竹徑新刪槿籬纔補  
埜客能來卸鞋脫帽儘忘暑清游同訪詩侶羨風  
流蘊藉動成豪舉玉箸誰傳怒猊得似爭道過庭書  
譜蠻牋寄興早唱和封題賦烟吟雨更許銜杯夜淡  
垂白露



華發沁園春

呈杜少宰

煙雨湖南浣華谿上羨公門徑清絕。沿痕駐屐藤影  
停驂春弄數聲鳩。起琴臺基野。每暇日吟牋分設。欣  
水鑑啓事頻封。更勞蘭札旋折。自晒雲泥已別想。  
蒼筠蕭疎風激林樾。蕭然逸興。觴詠閒游。肯與嵇阮  
同列。東陽舊侶。曾約我扁舟情切。來樞謁。一刺懷中。  
未教字迹漫滅。

沁園春

次韻題石湖煙雨圖

煙雨空濛萬頃湖光輕飄亂闌。見浮圖高峙巖端僧



去危樓半擁樹杪人來短布絰衫枯荷作笠憑眺還  
將倦眼擡忘情處任鳬鷗暗識猿鶴驚猜渾無半  
點輕埃儲容與吟情可放懷有雲邊梵唄魚沉鼓冷  
花間曲律管脆絲哀芳草千畦青山百疊短碣空多  
碧蘚埋徘徊久想前賢遺蹟逸興佳哉

鶯囀序

用夢窗韻追題桐谿雅集圖卷

亭軒乍新結構啓林扉欄戶嫵落澗一片春陰鴛甃  
澹煙低暮紋紗綠紅蕉漸展石闌小蔭梧桐樹正晴  
催花笑鶯啭謾驚飛絮製錦詩囊軫玉書卷墜前



歡似霧。記當日。洗瓦研霜。淡衷曾託毫素。儼流觴。山  
陰襖集。有佳句。抽思成縷。問能言。朱檻籠鸚。何如沙  
鷺。翠茵狂醉。爲拂清談。相忘在客旅。看繪似虎頭  
金粟。小影輕描碧雲香雨。古釵懸脚。蒼蠅誤點通靈  
羽。化神仙。伴料蓬山瀛島。非難渡。誰期絲綺明星聲  
歇。芭蕉銷會。幾小半黃土。山陽晚照。短笛淒清。異拍  
開白草。更是鹿門棲隱。谷口耘耔。人去山空。猿驚鶴  
舞。茂陵遺藥。不聞求取。蟲箋幾束。空塵篋。早白楊蕭  
瑟。堪成柱。祇贏宋玉情淡。湘些哀招。可能聽否。



曹秋岳器曰詩餘起於唐人而盛於北宋諸名家  
皆以春容大雅出之故方幅不入於詩輕俗不  
流於曲此填詞之祖也南渡以後漸事雕繪元  
明以來競工俚鄙故雖以高楊諸名手爲之而  
亦間墜時趨。至今日而海內諸君子。闡秦柳之  
宗風。發晏歐之光艷。詞學號稱絕盛矣。晉賢宿  
擅時名。學殖富而才思宏。其月河桐扣諸詞。皆  
步武北朝。不墜南渡。以後習氣。而詞綜一選。膾  
炙人口。允足鼓吹騷壇。笙簧藝苑。



聶晉人先曰。艷而有骨。勁而有韻。以饒歌鼓吹清  
商舞調之節奏。而爲填詞。其格趣意理在待制  
屯田間。令人興觀止之歎。



名家詞鈔目錄

廬陵 聶先 晉人

纂定

長水 曾王孫 道扶

粵游詞

姚江 吳之登 雲客

漁家傲

滿江紅 二調

踏莎行

玉人歌

二郎神

夏初臨

風入松

金菊對芙蓉



粵游詞

姚江 吳之登 雲客

漁家傲

月夜

院落幽深人語寂。花陰一派籠山石。對景凭欄時自憶。芳草碧。聲聲杜宇人孤立。懶向羅幃衣欲擲。小窗夜靜清光入。爲妬殘燈風暗急。心惻惻。香添金斗愁添臆。

滿江紅

雨後望漢陽江新漲

旅客登臨看盡了。小樓風物惟日對。清江衣帶翠橫



城堞鳴珮聲添朝雨注建瓴勢挾春潮濶自牂牁直  
下抵崑都驚濤接山影浸波翻雪霞彩亂舟飄葉  
映溪村遠樹暮烟明滅刷羽堤邊鳬鷺聚提筐市上  
魚蝦疊憶棹歌久矣別秦淮長干月

前調 游七星巖憩晉菴懷真際上人

齊已茆齋聞妙諦菩提明鏡重到處蕉蘭無恙翠添  
苔影桂子香中君曳杖蓮花漏外人浮艇喜詞翁題  
宇耐秋蕉吟多興攀巢鵲凌虛勝憑欄望閒談未  
挹蟾餘巖色羚羊江景異境頻年餐瘴水鄉山此日



嘗秋茗料君歸便有和章成時來聽

踏莎行

采蓮曲

梅雨初晴。蘋風微逗。畫長人懶閒停繡。鄰家姊妹恰  
相邀。蘭舟早繫堤邊柳。錦幔雲連。翠盤香透。漿聲  
搖動紅衣溜。怕教驚散。綠鴛飛折。時輕試纖纖手。

主人歌

聞鶯

風飄雪正樓角楊花濛濛吹屑轉經雕檻。又見乳鶯  
咽蠟黃恰爲春光炙。靜聽多幽折。記當初枝上相喧。  
惱人握別。嬌響甚時輟。任睨睨綿蠻聲聲重疊日。



淡雲輕。百轉尚難歇。舊家兒女天涯客。怎解愁腸結。  
羨金衣兩個朝歡夕悅。

二郎神

新綠

恨花惡。劣。未春老。歛紅藏白。漸葉密樓遮。枝交窓暗。  
來奪綠。天艷色。悔殺今年尋芳晚。但賸却小園深碧。  
看只待。蟬來。還防蜂。趁落英難覓。追憶瓊雲粉雨。  
不禁狼籍。任醉帽吟衫。染將空翠。腸斷桃源路。隔草。  
影。裙腰黛痕。眉角。辜負佳人消息。真錯怨。簾外東風。  
幾陣。掃香無跡。



夏初臨 立夏

昨送春歸。又逢初夏。清和燕語。增長榕樹參天。重陰  
却覆迴廊。殘紅猶惹蜂狂。早沿階翠綠成行。磁甌積  
雨。朱魚正肥。蘋藻都香。芽擎蘭箭。籜解筠衣。將聯  
飲袂。先倒詩囊。薰風漸轉。轆轤金井。銀床藕葉池塘。  
恰相宜。幕府清光。睨紗窗。新蟬似來。索聽笙簧。

風入松

問侍兒。月上花梢幾許。

千峰樹杪。挂殘陽。濃處生涼。輕衣紈扇。看江色一天  
紅波映霞光。傾刻昏黃烟霧。山間月影東揚。纖纖



携手入蘭房。催點銀缸。添香爐內。蘭烟篆。忙呼婢。月上扶桑。不識何時來到。甚時遍及迴廊。

金菊對芙蓉

咏弄色芙蓉

寂寂臨江。依依拂柳。偏教移向朱扉。仗金風玉露。洗出清姿。藐姑仙袂。聯冰雪與素秋。雅淡相宜。誰知此地。花枝也染南海炎曦。俄看一點紅肥。把霜綃漸換。忽着霞衣。料階前白菊。蔦地生疑。朝來共放。曾同色。怎晚來。挂住斜暉。還應疑是花王。恃寵新賜加祥。



陳集生

大成

曰升公詞情浮其貌意勝於法遠想

長思徑致獨絕。

曾道扶

王孫

曰升公不獨以詩餘見長而詩餘亦

非近代詞家所及足見文人錦心繡口大言小

言無有不妙。蘭次每言升公詞俊爽豪邁全以

氣勝不可以句裁經緯字叶宮商者同口語也

聶晉人

先

曰粵游詞如王謝家富貴子弟便極奢

華無裘馬統袴氣又如渴虹飲水霜隼摩天變

幻天矯令人瞋驚。



各家詞鈔目錄

廬陵 聶先 晉人

纂定

長水 曾王孫 道扶

藕花詞

虞山 陳見龍 在田

十六字令

如夢令 二調

轉應曲 二調

長相思

減字木蘭花

菩薩蠻 四調

更漏子

踏莎行



天仙子

風入松

千秋歲引

瀟湘夜雨

瑣窓寒

水調歌頭

二調

喜遷鶯

綺羅香

百字令

摸魚兒

金縷曲

鶯啼序



藕花詞

虞山 陳見龍 在田

十六字令 旅思

清萬里關山共月明。難禁受夜夜擗衣聲。

如夢令 閨情

簾捲綺疏風溜。池碎綠萍波皺。影亂玉釵橫。一朵並頭慵繡。今後今後。消得幾回清晝。

前調

金井葉喧涼吹草際亂。蛩如罍人去。楚天遙雁到也。



無書寄無寐無寐。攪得夢兒零碎。

轉應曲

楊柳楊柳。綠遍春江渡口。風前旋舞腰支。管盡人間  
別離離別離。飛絮瞞天如雪。

前調

百舌百舌。飛上花梢啼急。一聲聲似多情。攪得鴛衾  
夢驚驚夢驚。夢鳥也把人調弄。

長相思

花滿村。柳滿村。花柳依然似故園。畫長人掩門。惜



殘春怕殘春雨。雨風風。風總斷魂。青衫半淚痕。

減字木蘭花

閨情

綠陰清晝。一線慵拈花影瘦。小簾疎窻。半枕纔虛又倚牀。驚回好夢。不住鶯聲窓外弄。苦竹黃蘆。抵得相思味也無。

菩薩蠻

無題

小奩瑤鑑勻銀蠟。玉籠金斗沉香爇。携手下空階。心忙褪繡鞋。輕衫蒙半臂。翠黛雙蛾媚。珊瑚枕剩餘。歡洞房春較寒。



前調

幽○閣○小○檻○鶯○聲○入○海○棠○滴○露○猩○紅○泣○  
牕○外○月○籠○明○誰○  
家○暖○鳳○笙○  
个○人○貪○睡○穩○被○底○爐○香○燼○雙○璫○起○來○彈○  
金○花○指○上○寒○  
用莊暗香彈琴事

前調

寒○蛩○露○冷○銀○蟾○白○流○蘇○帳○暖○金○鈿○碧○樓○上○卸○殘○妝○  
脂○零○落○香○  
屏○搖○金○屈○戌○秋○水○波○橫○覩○含○笑○出○重○幃○  
嬌○慵○氣○力○微○

前調



紅珠斗帳櫻桃熟。新荷遠浦鴛鴦浴。綠柳映層樓。花  
飛不上鉤。斜陽無限好。又是黃昏到。珠網邏金釵。  
雙蓮損翠苔。

更漏子 出塞

塞垣風戍樓月。昨夜寒威釀雪。人渺渺。路迢迢。喚愁  
何處簫。蓮葉稀。棟花暉。四望秋容淡。過古驛。渡  
荒灣。夕陽無限山。

踏莎行

次馮方盈太史韻  
題金孝章墨梅

椒蕾迎霜瓊葩霏雨疎枝帶月還籠霧。夜深綈袂乍



相逢幾回欲逐香魂去。嶺外冬殘。江南春暮。鳥絲  
淡墨。毫間助無憑。折與隴頭人。寸箋爲寫。凌寒樹。

天仙子

有憶

高柳蟬聲和淚聽。午夢覺來猶未醒。知心人遠隔天  
涯。茶烟。燠爐香。靜觸絳紛來。頻記省。煖日烘簾風  
不定。斷雲漏月篩花影。龜占鵲。卜總難憑。傷神病。臨  
窓鏡。瘦損朱顏。有幾賸。

風入松

賀成客若納妾

佳人南國翠蛾眉。桃葉渡江遲。畫船雙槳逢迎便。希



微見高閣簾垂應是洛川瑤壁移來海上瓊枝何  
人解唱比紅兒錯落碎珠璣寶釵玉臂樽蒲戲黃金  
釧么鳳齊飛激灩橫波轉處迷離好夢醒時

千秋歲引  
壽徐健菴夫子

近代歐陽前身君實特倚蕉園總史席金蓮夜燃歸  
院炬玉衡朝揆生花筆十朝書三朝典賴纂集  
取覆甌名姓密看取築隄沙路濕鼎鉉槐堦在晨夕  
百篇讀罷見多士萬間庇廣歡無極愧鰕生籠鵠頌  
千秋秩



瀟湘夜雨

遊京口竹林寺

修竹參雲小橋蘊路一天寒翠溟濛遠鐘殘照黃葉  
捲西風任是塵心俗慮覺到此萬念俱空江天外炊  
烟暮靄漁火亂孤篷半生湖海志吟鞍席帽書劍  
無踪况舊遊如夢舊事填胸如此清涼法界恨不蚤  
禮足支公堪留戀秋林古寺擁現萬山中

瑣窓寒

龍梅菴先生見示哀絃集

閉閣翳眉相夫教子大家丰度珠沉玉碎驀地暗風  
吹雨少君車推挽無人竟隨王母乘鸞去嘆吳門總



帳燕臺玉局，隔三千路。淒楚從頭數。漫生離死別。  
音容莫溯。庭前蘭桂。痛煞萱摧芝仆。縱重重紫誥金  
章板輿翟茀。戒虛語黯銷魂。一集哀絃。淚滿春江樹。

水調歌頭

寄吳漢槎

一夜蕭關冷。樸被怯西風。無數笳悲笛怨。隱隱入簾  
櫳。攪碎鄉心千里。喚起離愁萬種。都到月明中。多少  
淒清味。禁受有誰同。歌金縷。翻白苧。酒初醲。銀缸  
黯淡。畫樓頻倚望。成空。痛煞車輪馬足。看盡百勞飛  
燕。生就各西東。不待陽關唱。雙淚已濛濛。



前調

平遠堂讌集和林天友別駕

一霎清和雨。雲暗蔚藍天。遙山無限蒼翠。飛撲舞筵前。幾派笙簧競奏。恰和嬌鶯婉燕。相喚又相憐。憑高一回首。芳草白年年。按紅牙。翻白苧。恣踟躕。山堂人醉。酒香春意亂。飛烟打蠟。惜花閒緒。收拾啼紅幽怨。都付與詩篇。漫學三眠柳。夢繞木蘭船。

喜遷鶯

贈文青女史遷居

蜂憨蛇戀。鎖一片芳心。東風不管。綠綺慵調。翠蛾頻冷。閒却熏爐。團扇笑。靨對儂一晌。啼淚背人。千點喜。



今日鶯遷山谷。柳移花轉。堪羨遊洛浦。環珮珊珊。  
擁出神仙面。燈火黃昏酒盃清。夜消受。紅嬌翠軟。鈿  
匣鼠鬚重按。寶篋藤箋還染。而今後。把風流筆墨。從  
新試演。

綺羅香

沈融谷之任粵西填此東寄

爾住當湖。我家茂苑。聲氣從來輝映。最惜連年。身世  
飄零如梗。愧淮海。薊北孤蹤。讀融谷。柘西新令。漫沉  
吟。何地逢君。飛花醉月。還相訂。雙鳬忽過。不易無  
奈。芙蓉幕。歲蕤鎖定。咫尺重關。心有靈犀。誰證。但此



去華蓋山詞。併將來梅花園詠。仗魚箋往復殷勤。寄  
儂添逸興。

百字令

次韻和錢礎日十峰草堂詞

鐵肝孫子。敞茆堂直。恁蕭疎風逸。四面雲山高閣外。  
穩稱王維畫。筆曲水亭空。闔廬城古。望裏參差出。个  
中鬪唱。吟成介甫烘蝨。想見梅里風流。竹深花暗。  
掩映疎籬密。湯沸名泉蒸蟹眼。肯讓中冷第一。  
絳帳鴻文。玄亭奇字。木榻穿當膝。杖藜閒步。峰頭  
又刷苔木。



摸魚兒

宣府署樓晚眺

到邊關幾番風雨。早又初冬時序。寒林點點霜楓染。  
雁字橫空無數。凝眸處。都則是冷雲衰草愁人路。無  
端此住。縱黃鼠青鵬。羊羔鹿脯。爭似尊鱸愈。斜陽  
外。一派寒烟古渡。馬蹄沙磧橫。驚漢唐白骨黃埃仆。  
樵牧朝朝暮暮。沿途戍。猛聽得哀笳。篳栗聲聲度。和  
誰共語。嘆耳畔聞猿。樽前談虎。腸斷登樓賦。

金縷曲

壽沈宮詹澤堂

菊綻楓丹候。藥珠宮。花開四照。繽紛呈秀。擁現清臞。



海○鶴○老○華○髮○朱○顏○眉○壽○看○膝○下○萊○衣○頻○繡○濟○濟○荀○龍○  
兼○寶○桂○共○鳴○珂○滿○泛○長○春○酒○天○上○少○人○間○有○何○須○  
更○說○東○陽○瘦○筆○花○飛○虎○跳○龍○臥○筋○顏○骨○柳○八○代○文○章○  
衰○獨○起○人○景○泰○山○北○斗○又○說○是○奎○章○壁○宿○幸○值○海○宴○  
河○清○世○料○將○來○玉○燭○調○元○久○論○伯○仲○伊○呂○叟○

鶯啼序 盧溝橋

河○梁○倚○空○繚○繞○臥○長○虹○一○帶○濁○波○捲○幾○疊○洪○濤○急○水○  
澎○湃○相○會○激○石○噴○沙○看○不○定○風○鞭○雨○轆○真○堪○畫○任○南○  
轅○北○轍○紅○塵○鹿○鹿○如○蠶○流○自○桑○乾○源○從○馬○邑○本○黃○



河○別○派○環○紫○極○控○扼○襟○喉○雲○霞○浮○動○變○雞○市○塵○平○柳○隄○搖○曳○酒○旗○斜○矗○鳴○雞○埭○試○憑○高○爲○豁○壯○眸○亘○綿○條○  
戒○龍○城○鳳○闕○立○馬○幾○回○彌○望○正○鬱○葱○如○黛○夕○照○滿○  
南○浦○郭○隗○臺○空○千○秋○增○慨○張○華○宅○畔○樵○歌○牧○笛○迷○離○  
暮○靄○籠○雲○樹○見○譙○樓○戍○鼓○疑○邊○塞○寒○林○一○抹○青○螺○點○  
點○無○邊○浮○朱○漾○碧○千○態○荒○臺○野○燒○古○木○寒○鴉○興○到○  
供○揮○灑○蕩○子○天○涯○流○滯○都○亭○折○柳○送○客○歌○驪○羽○觴○飛○  
蓋○欹○冠○穩○步○向○西○一○笑○喜○清○平○滿○斟○沆○瀣○洗○胸○襟○着○  
得○乾○坤○大○幾○南○第○一○名○區○曉○月○盧○溝○勝○樽○域○外○



王阮亭

士禕

曰古來文人學士其才情橫溢無不

有所寄託。往往出其緒餘。作爲長短句。如朱歐陽永叔辛稼軒諸名家詞。至今膾炙人口。在田才情卓犖。意氣遒上。其所爲詩。餘時而豪邁奔放。如蘇文忠陳龍川。時而綺麗香艷。如柳七黃九。卽偶然握管。而寄託遙深。今藕花一編。不過吉光片羽耳。嘗竊一變者。將更窺全豹焉。

彭羨門

孫通

曰在田詩歌逼真盛唐。騷賦追蹤漢

魏帖。括在正希臥子間。吾鄉曹侍郎秋嶽王方



伯邁人咸器重之。讀其藕花詞。意新調穩。詞潤  
機圓。卽起姜史諸公於今日。當不是過。固當推  
爲風雅正宗。



名家詞鈔目錄

廬陵 聶先 晉人

纂定

長水 曾王孫 道扶

夢花窓詞

休寧 江士式 梅墩

蕘梧謠 字字雙

醉太平 生查子 二調

點絳脣 卜算子 二調

羅敷媚 三調 畫堂春

名家詞鈔目錄 夢花



眼兒媚

二調

南柯子

鷓鴣天

西江月

蝶戀花

二調

青玉案

二調

風中柳

百字令

漢宮春



夢花窓詞

休寧 江士式 梅墩

蒼梧謠

對燕

伊應向尋常百姓飛。將雛弄。莫共畫樓棲。

字字雙

閨怨

綵機錦字題復題。寒衣欲寄西復西。曉烏啞啞啼復啼。深閨殘夢迷復迷。

醉太平

訪芥舟家孟於半塘

秋風拂衣。秋花遶籬。扁舟寒傍山堤。扣君家短扉。



論心會稀。支筇路岐。月明到處依依。聽城烏晚啼。

生查子 子夜體

露白與葭蒼。伊人不相值。江滸好秋容。相思便相惜。  
阿母近疑儂。與子憐琴瑟。今祇學春蜂。來去惟求  
密。

前調

白繭抽銀絲。黃繭抽金縷。成匹有儂身。不審相思苦。  
拙繭不成絲。茹荼爾知否。要識苦思人。刀尺聲中  
處。



點絳脣 自遣

江表樓頭雁橫天。遠霜威近。夜如何問。等個荒鷄應。  
有夢何憑。肯綰南柯印。餘吟興。梅坡鶴逕。枕上孤  
眠另。

卜算子

和辛詞

執戟老千牛。賣賦窮司馬。一笑氷銜總不居。長謝掄  
材者。清吏不言錢。學士原非瓦。硯北閒田身自耕。  
所好從吾也。

前調



詩未駕高岑。史只推班馬。才大於人便不羈。自得於天者。高臥酒家樓。劇飲田家瓦。三疊琴心舞素禽。遮莫皆仙也。

羅敷媚

送友

弄晴池館。饒風絮。紅袖逢迎。不道無因。浪蝶狂蜂共此情。繁紅落盡青驄去。綠遍前林。細雨如塵。愁殺平原回首人。

前調

乙丑春暮同曹秋嶽夫子林天友別駕沈偶僧聶晉人集高澹游紀勝堂賞壯

丹分賦



畫屏開向春光晚。酒旆紅旌錦幔。丹楹欣賞何須身。  
後名。芳心簇簇流霞滿。金粉鮮明紅袖逢迎總倚。  
清平調後聲。

前調

繁英銷盡春光裏。繡幙雲裳香粉紅。裏小令催成酒  
數行。玉樓曲倚花名字。燕北新粧蝶醉韶光費盡。  
詞人旖旎腸。

畫堂春

虎丘看菊

露濃香泛一簾開。看山日夕佳哉。品題莫污此新栽。



句又安排。坡老墨華相映。白公蘼葉輕裁。陶然便  
醉此花杯。別也低徊。

眼兒媚

柳塘和石湖韻爲沈偶僧賦

長堤十里浪花浮。柳颺翠雲裘。脚泥新燕。穿花香蝶。  
衝過江頭。小舟日暮沿堤住。一種綰新愁。前村沽  
酒中流喚渡。怎便閒休。

前調

暖花夾路拍天浮。五月尚披裘。無窮烟浪。數聲漁笛。  
身在船頭。船頭乍轉東流水。遮莫惹吟愁。細雨陰



濃。輕風綠漲漫道歸休。

南柯子 題開開亭爲金赤坡賦

待月臨高榭。移樽命短筇。個人咄咄只書空。長看浮  
圖背插冷烟中。花草吳宮舊衣冠。洛社同。赤城霞  
起自墻東。藉有伊人招隱桂。花叢。

鷓鴣天 詠蛙

青草池塘處處吟。晚風細雨傍疎燈。陸沉曾見厨中  
產。株守還憐井底深。鈴鐸語。鼓鼙音。水田漠漠夜  
沉沉。一倡百和多嘈襍。有甚公私不去心。



西江月 題壁

趁得斜陽捉杖閒。探流水調絃。邨翁邀我過橋邊。笑指籬花開遍。上有垂垂柳蔭。旁窺隱隱潭烟。舉頭是我舊吟箋。作客深秋重見。

蝶戀花 咏燕

遠眺平蕪天際染。小小身裁。雙股風前剪。帶有紅絲輕一線。綠陰多處楊花點。不作呢喃輕過眼。慣逐低飛。怕趁湘簾捲。啣住落花心又軟。是非不到深深院。



前調

畫蓮爲新婚者索賦

葉葉清香來自遠。青蓋亭亭似擁紅衣顫。三十六陂  
驚露濺。風裳水珮來深院。捧○着○嫩○房○情○未○厭○待○看○  
年○時○含○笑○含○嬌○面○一○幅○生○綃○誰○不○羨○鴛○鴦○傍○處○風○光○  
艷○

青玉案

題沈偶僧詞集

少豪怕被神仙悞。昂首處。春風路。一枕壚頭曾不破。  
名姝俠客。賭碁罵酒。小隊英雄伍。而今有劫神仙  
暮。尚檢騷壇斷腸句。甲乙時名渾莫顧。四壁攤書三



更擗管。兀自當旗鼓。

前調

乙丑小春上洋王西園松陵沈偶僧枉顧草堂小集分賦

逢人索遍丹楓句。邀錦纜江東樹。雲向海天愁日暮。  
論心眷眷。論文楚楚。綠醕留君住。鷄壇况復多虛。  
左春水宅。應來去。艷絕芙蓉湖畔路。千秋梨棗。中原  
旗鼓相待。輕帆度。

風中柳

柳絮

無限東風。點點芳心難托。怕沾泥便成飄泊。晴絲搖  
曳。弄秋千。絨索。奈顛狂。又穿簾幙。惹却悠颺。引得



兒童捉摸問何如。天涯海角情踪太惡。重扶起夢魂。  
綽約最難禁。春歸寂寞。

百字令

五十壽詞

百年三萬六千場。半是吳霜點首。弧矢襟期無盡在。  
那爲旁觀掣肘。知過蘧瑗。知非衛武。知命東家某。古  
來如是幸。自稱翁稱叟。君是少伯扁舟。達夫搥管。  
翁子窮經手。歲歲鶯花評泊裏。歲歲拊當詩酒。父子  
嘻嘻。賓從濟濟。兄弟怡怡有而今而後。請服官政曰  
否。



漢宮春

虎阜中秋值雨

剛半中秋。正吟蛩露冷。過雁風高。銀蟾於我何有。羞  
照霜毛。重歌水調。念高寒肯許粗豪。偏盡把登瀛抱  
槩。一時對酒持螯。催歸五更風雨。笑從來虎阜。豈  
只今宵多情尊壘相傍。慰我蕭騷。南枝鵲遶。嘆此身  
飄轉江皋。須更與一天清照。爲開桂殿寒潮。



曹秋嶽

洛

曰。梅墩從遊最久。秉性誠確。良篤行古

君子也。讀書之暇。遊情翰藻。不特臨池道媚。筆  
法鍾王。卽填詞餘技。亦必上擬元音。無南宋後  
習氣。想其夢花窓。燒瓣香。上世必有昭格而加  
被者矣。

聶晉人

先

曰。新安詞家甚少。近推孫無言。趙天羽。

程梓園諸公。然皆以片紙隻調爲拱壁。俱未獲  
瞻全豹。讀夢花窓。澄暉堂唱和新詞。如行黃山  
白嶽間。層巒曲折。愈變愈奇。烟雲設色。非王右



丞李將軍點染山水所能描摹其萬一